

# OMUKWETU

Registered at the General Post Office as a Newspaper

## EKUNDO LYOMUMBISOFI AUALA

Nomadhiladhile ga za moshipalanyolo shOmumvo 1974, "Litha conzi dhandje", omumbisofi dr. Leonard Auala okwa halele aayakulingerki ayeheyehe emayambeko gOmuwa miilongayakulo yawo ayihe. Okwa ti:

Italeni ano neyene, ne mu tonatele noshigunda ashihe moka mwa langekwa mo kOmbepe Ondjapuki, sho e mu ningi aasita yokulitha egongalo lyOmuwa, kwe li ilikolele nombinzi ye mwene.

Litheni oshigunda shaKalunga mwe shi pewa uusita, hakethiminiko, aawe, onehalo ewana-wa, hamolweliko lya nyata, aawe, okehalo lyokemwenyo.

Hangomalenga nokupangela mboka mwe ya pewa, aawe, kaleni aaholelwa yoshigunda, Omusita Omukuluntu sho ta ka holoka, one notamu ka pewa oshishani sheadhimo itaashi ganya.

Osho omumbisofi a dhimbulutha aayakulingerki ayehe oshiithanenwalenga shawo oshiyapuki memumvo aguka. Omumbisofi eta halele ayehe oonkonde oonkwagulu ya vule okulandula omalemwelo gOmuwa Jesus, "Litha conzi dhandje".

Koshipalanyolo shoka "Litha conzi dhandje" oko wo kwa kankamekelwa omanenedhiladhilo giilonga ayihe tayi longwa mokati kaagundjuka yOngerki ya ELOK.



E U Y O   L O N G E R K I   M U A F R I K A   N O I S H I K U L I

Okutwala evangeli mokati kovalaula, kashi shi vali oshinima shombili, o-muudifi e shi ninge nomukalo keshe ye mwene a diladila. Mokukwafa omapupi mape a ude ko evangeli komukalo muwa apa muAfrika, Ongerki oya li i na okudiladila oshinima eshi, fimbo inai tokelwa. Aa omadiladilo omufitaongalo wongerki onghwaevangeli paLuther muTanzania, Amon Mwakisunga.

Moshipopowa shaye shile, omushamane Mwakisunga ota pendula Ongerki ya holoka po muAfrika omolwoshilonga shetumo osho sha hovelwa mo konima yomido konyala defele noku ulika omaudjuu amwe e li Ongerki ei moshipala. Okwe shi ninga nomatumbulo aa;

Ongerki onghaLuther ngaashi ya tandavela paafa noya kufa ko oitine itatu yaAfrika, tai monika unene moushilo, mouninginino, mombuwantu nomouninginombuwantu. Ongerki oi na ovaitaveli eemiliyona 2,3. Afrika alishe oli na ovakelefiti eemiliyona 67.

Omuvalu ou ou li eta linini mefuta pakuyeleka nouhapu womuvalu woshiwana shaAfrika, ou u dule paafa omamiliyona 320. Ngeenge hatu tale oukashela weongerki muAfrika, kakele shapo kOngerki yaOrtodoks yomuEtiopia, ohatu mono kutya ou li koshi yeedula efele natango (eholokepo leongerki omu inali dja nale). Eongerki edi oda kendabala ngaashi tadi dulu, okuudifa evangeli lexupifo koshiwana shaAfrika, osho sha halakana nedu alishe.

Ashike fiyo opo apa, eteyo leTumo ola kwata ashike oshititano shimwe shoshiwana ashishe. Ngaha, ongerki keshe muAfrika, ota kondjo neenghono da yo adishe okutandavelitha evangeli meholikedu eli.

Kakele kOngerki yaKatolika onghwa"oma, Ongerki yaLuther oya lupuka moukokele muAfrika. Opo i ende pamwe nomalunduluko opanghalafano, opalikolo neopapolotika, opashinanena, Ongerki oi udite ya teelelwa i ete po yo elunduluko pauteologi nopanghalafano moilonga yayo aishe yokuudifila Ovaafrika efangeli. Eshi osha pumbiwa unene mefimbo eli lelunduluko mehistotoli lOngerki omo omaukwatya makulu opashiwana taa yapukile ondjiipangela ipe, okupikula ondjila ya yuka okuudifa evangeli koiwana oyo, nayo vene i li momalunduluko okudja muAfrika yopamifyuululwakalo nouyuka moukwaunyuni upe.

Omapupi aa mape, otaa shokona uenene Ongerki nove na oudjuu okutambula evangeli noupu. Shaashi ouk-lefite otau talika ko, kutya oo oshinima osho sha ndjikama uenene momifyuululwakalo doshiEuropa filufilu, tadi etwa ashike muAfrika pehe fi panghedi ile pamukalo woshiAfrika nande.

Oshilonga shinane shOngerki paife osho okukomba po onghalo ei aishe, oyo ovalihongi vayo vonena ve li ovanapolotika vakukutu Ovaafrika. Voo otava tangunine Ongerki kutya oyo "okambefele konima yeumbo koupika wopakwakoloni muAfrika." Tai painda oshiwana shaAfrika komesho, notai shi shilile monghalelo yokukwafela epikwo komapangelo opakwailongo.

Mokukandeka osho tashi ifanwa "eongerki dopakaloni", ile "eongerki dopashi-Europa", ope na paife "eongerki dopashiwana" ile "eongerki da manguluka da-Afrika", da totwa opo di yapukile eongerki odo da nyika oukwaeuropatumo. Ongerki muAfrika oi na okukala omutumba nokudiladila nghene tai nyamukula epulo eli, manga inai tokelwa. Eudifo leEvangeli, kali na okutalwa ko kOvaafrika ongoshinima oshinailongo, tashi tumhinikwa (fininikilwa) muvo kOvaeuropa.

Evangeli oli na okutalika ko kOmuafrika ongeenghono daKalunga muKristus dokuxupifa, omo Omuafrika te lihongo panghedi yaye okushiiva Kalunga.

( KOMESHO OHATU KA UDA NATANGO SHIHAPU KOMADILADILO OMUSHAMANE OU )

@@@@@@@@@  
@@@@@@@@@

INAMU NYANYUDHWA KIINIMA YOKOMBANDA, TALENI SHOKA SHOSHILI

Aalongwa 70 oya galuka nenyanyu noya ti: Omuwa, noompwidhuli odha vulika kutse omolwedhina lyoye. Jesus okwa ti kuyo; Onda mono satana a gu megulu ongolwaadhi. Ihe tala, onde mu pe oojkondo dhokulyata omayoka noondje nokupangela oonkondo adhihe dhomutondi. Ihe shono inashi mu nya-nyudha, nyanyukilweni omadhina geni sho ga nyolelwa megulu...Luk.10:17-20

Omuntu kehe oha ningi omayalulo, a tale shoka a likola nenge shono e shi kanitha miilonga ye yomumvo. Ohatu tala epya lyetu shoka lye tu etele, oongombe shono dhe tu etele, ositola shono ye tu zile, ofabulika shono ye tu etele. Ohatu tala wo iilyo ingapi ya shashelwa mOngerki, aakriste oye thike peni ya kala momalongelokalunga muule womumvo nayangapi ya taambelwa mo megongalo nosho tuu.

Metulokumwe lyomiyalu dhiinima mbyoka, omo moka hamu fuluka esiku limwe enyanyu lyetu lyaashono twe shi ningi po. Haashono ashike kutya enyanyu otatu kala nalyo, ihe ohatu likola mo wo ombepo yegwano, yeingkelo okwii-nekela shono hatu vulu okuholbla po nohamu zi eitumbo lyetu. Osho shoka aalongwa yaJesus wo ya li ye shi ningi.

Enyahyu lyawo okunyanyukilwa iinima yokombanda, olya kwatwa moshipala nomatumbulo ga kola. "Satana okwa umbwa mo megulu, a kulukile kevi."

Aalongwa kaya li ya tseya oshinima shoka. Kashi shi oshipu omuntu u tseye aluhe shono tashi ku langele komeho. Onkene aantu haa tumbula: "Ndjila iha lombwele rantu." Ihe (bimbeli otayi kumagidha wo ngiini? Otayi ti, tse katu shi aana yomilema tu ende ongaamboka ye li muusiku, haa ende paugoya womadhiladhilo gawo. Aana yaKalunga oyo aana yuuyelele notaa ende muuyelele wokomwenyo. Egando lyaJesus olya li wo okuminikila oyana ya mone shono shi li komeho gawo.

Satana a popiwa motekisti ndjika, oye wo oshihakanwa shuulunde weisimaneko nowaitumbo, mboka wa vala iilanduli ye ayihe noyomuptu kehe kee li naKalunga. Satana ngoka a kala omuyengeli gwaKalunga, okwa ningi omulundili gwaana yaKalunga Sak.3:1-2, omuli gwaantu kuKalunga Job 2:1-2, omugwaaleki Joh. 13:27, omukotokeli gwooyakwawo Iil. 5:3 nomudhipagi gweshito nogwoshifetha shaKalunga Luk. 13:16.

Satana okwa kuluka, oku li kevi. Ekondjo lyeni otali ka ninga edhigu. Jesus ote ya lombwele embembeleko lyasha. Ihe omadhiladhilo go gene kage li ashike mokuthindila muumbanda wokutila satana norakuyiwa. Satana megulu shono tashi mu tumbu mo iita, olugodhi lwe naMikael Ehol. 12:7. no-shipundi shepangelo lye (satana) osha tewa po koonkondo dhoboma, ombinzi yaKristus Ov. 11.

Onke esindano oko li li, omadhina oge li membo lyomegulu. Taleni ondilo yoshinima shoka, osho nashi kale enyanyu lyeni nomukumo gweni miilonga.

(Sebulon Ekandjo)

OSHOKA OMEHO GANDJE OGA MONO EHUPITHO LYOCYE WE LI LONGO MONTANEHO YAANTU  
AYEHE, UUYELELE CUMINIKILA AAPACANI NESIMANO LYOSHIGWANA SHOYE ISRAEL  
Luk. 30:32

ONDJILA YOUKUMWE WEENGERKI

OTAI ENDIWA NONEUDO

Mafiku osha ninga omukalo, kutya Januari ohani omo tamu danwa oivilo yomailikano meengerki dihapu mounyuni, okwiilikanena oukumwe weengerki. Peemhito dihapu osha konekiwa eshi Ovaprotestande nOvakatolika va ya kumwe koshipala shaKalunga nde tava ilikana pamwe.

MuPoland oshilongo ashishe osha ongala kumwe, inaku talwa oukwatya weitavelo nde tava tungu oukumwe wopakriste. Multalia Ovaprotestande kumwe nOvakatolika 3,000 ova ninga eilikano lukumwe mOngerki yaTrent. Ovafitaongalo 400 kumwe novapristeli moshilongo, navamwe va dja ndowishiland, Switzerland nokuAustralia, ova minikafana mohole yedimnafanopo. Eshi osha li oshinima shotete mehistolilongeri. (This Month)

Dr. Buthelezi

Omusitagongalo Omukwaluther, dr. Manas Buthelezi, mu S.A. eindilo lye olya taambwa mohofa, opo a tamaneke oshifonkundana shomu S.A.

Omusitagongalo Buthelezi ngoka a mwe- nekwa pehulilo lyomumvo gwa yi kEpa- ngelo lya S.A. meinyengo lye, paveta yuukomunisi uule womimvo ntano, oshifo To the Point, sha Febuluali oshe mu hokolola momanenedhiladhilo gasho kutya Buthelezi ina kala gwomihoko moshilongo.

Omusamane Buthelezi, gwantsezi yaChief Gatsha Buthelezi, gwaKwa-Zulu, okwa li- lwa koongerki odhindji miilongo ayihe sho dhu uvu a tulwa moongamba dhomai- nyengo giilonga ye. Pashifo "EcuNews" 1.2.1974, oshifo sha tamaneke, osha li sha pewa epitikilo koministeli yu- yuuki okweendulula shono sha popilwe kuButhelezi, omunandholongo.

EMANGULUKO LEENGHWATE LA KUNDAFANWA

Ehangano leehahende mounyuni ola kunghilila dr. Kurt Waldheim, hamushanga wa V.V.O pu shangwe omukanda weudafano lounyuni, opo omunadolongo keshe a kwatwa omolwoita, a kale nemanguluko okuninga elongelokalunga laye. Efaneko ola dja moshongalele shefiloshisho leenghwate doita sha li muMilan.

(This Month)

ONDJALA MU AFRIKA

Oshilonga shOngerki muAfrika oku- kondjitha ondjala miilongo yaAfrika osha gandja ehokololo, kutya ondjala oyi li po tayi taandele sigo Sudan nomuumbangalantu waKenya. Pahokololo ndika, oshilanduli shondjala moka oshiwinyi.

Omumvo gwa yi 1973 ondjala ondhigu oya kala miilongo yuunininginino waAfrika ngashi Niger, Togo, Senegal Dahomey, Camerun, Mali nokuEtiopia. Ngashingeyi Sudan naKenya nayo oya gwila moshikele.

Momwedhi nguka Oraata yOongerki mu- yuni (WCC) oya hiya oongerki adhihe dhi li iilyo okugandja natango ekwa tho lyiimaliwa omiliyona yimwe ne- tata.

Oshikondo shomongonga yiigwana yu- yuni, V.V.O, shokupalutha aasindjala, osha kondjo ethimbo ele moluhepo nduka, osho wo epangelo lyaAmerika.

Ongerki yaOrtodoks muEtiopia nayo wo oyi li mobugongi okupalutha oo- thigwa dhi vule 4,000. Oomwenyo odhindji odha kanene mondjala ndji- ka, ngashi wo iimuna yawo.

(EPS)

\$ Dr. Eugene Carson Lake, hamusha- nga mukulu wa WCC, oku li paife pre- sidenté yehangano lipe muAmerika, "Omungome wounyuni."

OMAFANEKO AMWE NATANGO MENGELA

Onhele youteku wovayakuliongalo vOngerki ya ELOK, mEngela, oi na natango omafaneke kanene oo e na ngeno okuningwa po moshiwana eshi. Mahapu a tulwa nale nokuli moilonga. Konima yeedula dimwe eshi elalakanò lokutekula ovo ve na okuviyauka moilonga yomeongalo keshe, la hovelwa apa, eemhumbwe dikwao moshiwana oda konekwa yo, kutya odi na okuhakanwa mokukondjifwa.

Panghedi ei moule weedula nhatu nhe da pita, ovapofi moshiwana eshi ova hovelwa okutekulwa penya, ndele paife oilonga ya longwa kuvo whai lipulifa ovanamesho, kutya ove shi enda ngahelipi.

Enongelo ole shi yelifa nouteku walo kovanhuhava, kutya voo kave dulike nande ounongo, ongee omounongo wokeenyalala ile womomambo, kuovo hava talwa ovanamesho.

Ava nande kave na omesho, otava leshe, ndele vaavo kave na omatwi, eembolo, otava ifanwa komadina tave uya voo tava nyola. Ehepu la dja mehokolo la Rev. Josia Mufeti, Ombibeli yovapofi oya holoka nokuli ombinga imwe melaka lavo (lovapifi).

Nhumbi tave shi lihongo okushiivafana komadina, okushiiva eendada voo kave udite ko, omunhu ito shi shiiva nande nhumbi tave shi ende." Osho omutaleli-po umwe monhele oyo e shi hepaulula nonghumwe inene.

Osha ikililwa konyala kuaveshe va shiiva shito onhele ei, kutya oshilonga shayo okutekula ovaviyauki vomomaongalo moilonga i lili noi lili. Ope na omaludi ovayakuliongalo va totwa nova hololwapo konhele ei, hava wanifa oilonga mOngerki keembinga neembinga. Tashi dulika vahapu ihatu lipula yo noilonga hai longwa monhele ei mokati koshiwana eshi

Ekoko melalakano lokutekula oufikepamwe moshiwana, shiimba oli shii yo okutalelwa-nokukonekiwa meemhangela dimwe odo da teeelwa okutulwa moilonga.

Osheshi penya mEngela ovo yo hava talwa omalai, ovakambelindunge, va etela oonakukala navo oupyakadi, otava diladililwa okumonenwa omalufu outeku.

"Ovo yo ovanhu ve na ondilo i fike povovanhu vakwao aveshe. Navo yo otava dulu lela okuhongwa Jesus Omuxupifi, nde tave mu itavele." Osho omuwiliki woshilonga shoudiakoni mOngerki, meme Irja Soikkeli a popya lumwe moshongalele mOngwediva.

Ile ovakulupe ovo va kanifa eenghono nokuvo inaku teeelwa vali ekwafo la-

sha, va monenwe yo onhele youteku apa. Ediladilo, ekulu ashike pahokolo lohilonga shEnongelo mEngela, komuwibiki washo, omufitaongalo Josia Mufeti nola tuminwa kEpangelongerki, ola kolekwa unene keholoko lovakulupe voovene veedula 60-70 moshongalele ve shi ningilwa mEngela 1973.

"Paife osha yela filufilu Ongerki i litule mo meyakulo lovanhu ovo va dimbuwa nove li ovafyoona mokati kovana veehenokomesho." Osho tate Mufeti a tumbula mehokolol laye.

Omalipulo kutya omafaneke aeshe aa onaa ka pita naini nongahelipi, osho otashi ka nyamukulwa kefimbo loovene nokomapuniko oo Kalunga mweene ta ka tilila kombada yeenghendabala adishe tadi ningwa mEnongelo olo omolwoshiwana shaye ashishe.

@@@@@@@@



OMUNONA OSHO NGA A SHASHWA

Moshigongi shaaidhiliki yiikolitha yOngerki ayihe mOngwediva 1973, otwa li nokanona ketu Okadhimba, Kaulipondwa. Konima yiipopiwa omuwiliki gwoshigongi okwa gandja ompito kokanona hoka ka tumbule sha.

Okanona oka hokolola Esakramendi lyeshasho uutendo 3 petameko, naanashigongi oya dhimbulula kutya, okanona oka tseya shili Okatekisa, onke oye ka mweneke owala ya ti: "Opuwo." Yamwe oya tumbula; Oshike ita ka shashwa owala?

Manga okanona taka kuutumba, yo aakwashigongi oye li nale momukweyo taa ka umba ongalo. Einyengo lyawo olya hololele ndje ohole yawo onene okuhola oshilongatumo. Ongalo oya zi R 9,32, dha landwa oshiyata shoka sha hondjwa omuzalo gwafaathana, ngoka gwa pewa aanasikola Aadhimba ya kala mosikola yeshasho 9. Mumbaka omwa shashwa 5, gumwe gwawo oye Kaulipondwa ngoka a hokolola nawa moshigongi shaaidhiliki.

Eti 9.12.1973 omo eshasho lyawo lya ningwa mEunda. Ngashingeyi ashigongi ya li ya yuulukwa noya tumbula, oshike omunona itaa shashwa, ngashingeyi okwa shashwa ihe, oye Aina. Ulonga weni kau shi osima, omOmuwa ngoka ta ka ty:

ONDA LI OLUTU LOWALA, ONE NOMWA ZALEKE NDJE... ..

(Martin Shambo, Eunda)

TALEULULA ALUSHE KOMESHO

Nomomudo 1974 otwa hala okutwikila ondjila ei yeitavelo, hayo ei yokumona. 2Kor.5:7 Otwa djuulukwa eumbo laalushe meulu.

Alushe mondjila otamu uya sha shiha li mo onghela, onghée nande ondjila otu i shii, ohatu talulula natango komesho ondjila yetu.

Pefimbo eli loyeendifo, oiponga oya hapupala, shimwe tashi di opo kutya oonakweenda noyeendifo vamwe va ikilila eendjila nove lineekela kamu na oiponga, ohaluka osheendifo sha ya moshiponga nefyo la holoka.

Okwiikilila oshinima shiwa kombinga imwe, osheshi nge wa ika oilonga yoye, ou na opu oku i wanifa. Ndele ohatu dulu okutya yo, okwiikilila oku na oinima ivali. Ushinima shotete mokwiikilila omu na oudimbwanhu, kutya keshesheshi moshilonga omu na oshiponga nge omunhu te shi longo neikililo, wo omwenyo neendunge itadi longo. Vali oshilonga osho tashi longwa neikililo luhapu itashi mu tungu.

Osho mukriste wa ikililwa, tau etele omunhu oshiponga. Ashi oshinima o-

shitivali. Omunhu a ikilila, ita dimbulukwa, kutya mondjila yeitavelo onaini a dja mo, osheshi luhapu ovo va ika oukriste, oukriste wavo, luhapu ou li ashike mokanya hamomwenyo. Tave litale voovene haJesus.

Okutalulula ondjila, oshi na oshilonga kwaame mwene nokosheendifo. Osho hano shi li yo ngaha mokutaalela omutameki weitavelo letu. Ame neitavelo lange navakwetu, otwa amenwa shili, osheshi Oye ta diinine nge meitavelo limwe la yuka omo ovanhu tava shililwa kuKristus.

Tala alushe mondjila komesho yoye. Eitavelo tali tale komesho, otali ehene yo komesho, ndele eitavelo tali tale konima, itali kulu.

Tu efeni omatameko, tu lalakaneneni ewano, tu ninge ovakulunhu tu fike kewano lukulunhu waKristus. Inandi hala ndi tye, kutya aishe yokonima yetu oii, aye. Ohatu hambelele yo Kalunga mwaasho e tu ningila 1973. Ashike alushe okomesho, konima hako vali.

(Paulus Andreas)

EENGUDI DA SWAPO ODI LI MEENYALA DOPOLIFI

Okudja pehove lo laFebuluali ou, ovalumenhu lo va kala va hambata oshisho shewiliko lolilonga yaSwapo, ova kwatwa po nova diininwa natango mOvenduka. Mokati kavo omunashipundi a kula David Merero. Nande ihaku tongwa eshi she va kwatifa, ova diininwa ngaha pashitokolifo 6 shoveta youterolesa 1967.

Eengudi dikwao Ezriel Taapopi omunashipundi shongudu yovanyasha vaSwapo, Benjamin Namalambo oshilyo shewilikongudu mOvenduka, Shihepo Mbili oshilyo shewilikongudu lovanyasha vaSwapo mOvenduka, Axel Johannes hamushanga muni-ni waSwapo, Daniel Shiwanguu, hamushanga waSwapo mOmbaye, Thomas Kamati, George Isak Itenge, Lot Zanzharia naJosef Kapngwa.

Paenghono doveta oyo, omupolifi a yelwa e dule Letinande-Colonel, oku na oufemba wokukwata omunhu ile vahapu nopehe na ombapila yekwatifo lomunhu, shimha tuu e shi shii kutya, nakukwatwa oku na ouyelele moshinima shoute-rolesa, ile nakukwatwa yemwene oterolesa.

Nakukwatwa wopaveta tuu oyo youterolesa, ota dulu okudiininwa fiyo Komu-fala wovapolifi a yandja elombwelo a efiwe, ngeenge nakukwatwa okwa ta-lika kutya okwa nyamukula omapulo a li a halika, ile ota diininwa fiyo kwa talika, kutya ediinino laye itali kwata vali sha.

(Advertiser 11.2.1974)

BOTHA INA SHIIVA OVO VA DENGWA

Oministeli yependulepo lovalaule, omu-fimanekwa M.C.Botha, eshi a pulwa ku-hefolo Helen Suzman, oshinima shomaden-go nhumbi sha enda omu mOwambo, okwa nyamukula kutya, ina shiiva shihapu, osheshi oshinima oshi li momake omale-nga.

Oministeli Botha okwa ti, ye omadengo e-shi a ningwa mOwambo ina konakonifa o-shinima osho.

\$ Ina shiiva kutya ovakulunhu ovakainhu novalumenhu va dengwa ove fike peni. Ina shiiva ovanyasha ovamati noukadona va dengwa ove fike peni okudja lotete laSeptemba 1973. Ina shiiva yo keshe umwe okwa dengwa omapokolo angapi nenyono lomunhu keshe ola li la tya ngahelipi.

Eshi a pulwa ngeenge okwa hanyena yo tuu Epangelo lOwambo ile epangelo lo-shilongo shonhumba, okwa nyamukula ashike:

Oshinima shomadengo oshi li meenghono ashike domapangelo oshiwana shovovene.

Omapulo omolwomadengo Ovawambo natango okwa pulwa oministeli yoikwapondje, omufimanekwa dr. H.Muller.

Eshi a pulwa natango kumeeuku Suzman dr. Muller okwa dimina epulo, kutya o-

vanhu ova dengifwa omolwoupolotika. Eshi a pulwa ngeenge epangelo la S.A koV.V.O ola tuma ko ehokololo notali ti ngahelipi, okwa nyamukula:

Kwinya epangelo la S.A. ole shi anya kutya, omadengo Ovawambo otu na mo sha.

Ehokololo tali ti; aveshe va dengwa ova kwatwa kovapolifi voshiwana shavo vene, ova pangulwa momapangelo oilongo yavo ngashi tashi wapalele eenghedi davo vene.

Ehokololo tali ti natango, kutya eshi kwa ningwa eindilo kuvamwe va dengwa tpo ne ohofa yopombada muSuidwes, oya yandja elombwelo tali keelele omapangelo oilongo aha denge vali ovanhu.

Pomhito imwe elombwelo lohofa ola tokelwa nola hanga omadenge a ningwa nale. Komesho omadengo okwa twikila, ehokololo tali ti.

Opo nee omupanguli okwa lombwela omapangelo oilongo ya denga ovanhu, kutya eti 22.2.1974 otali ka kala efiku lokuyandja etomhelo kutya omolwashike omadengo itaa xulifwa po nande?

Ehokololo la yandjwa kOiwana ya hangana vati osho la tya ngaho.

Meekulu Suzman omuwiliki wongudu yopolotika "Progressiewe Party" muS.A. Okwa shiivika kuvahapu ha kondjele ouwa waafeshe. (paSuidwes-Afr. 8.2.74)

I L A U K O N G E I I L O N G A  
M E N G E L A

Moshipangelo shaNgela, "Engela Hospital", otamu pumbiwa omuteleki omulumentu, ngoka a tseyana nawa iilonga yeteleko, pamwe okwa longa moohotela nenge pelugo lyokakwiyu.

Na kale wo ngoka ta vulu okuyalula nokumbesitela iipumbiwanima yelugo. Ondjambi otayi uvathanwa, onkene ngoka a hala okuuva nawa na holoke komukuluntu gwoshipangelo, mEngela, opo ya kundathane nenge u pule mongodhi, "Oshikango 4" (Omukuluntu gwoshipangelo, Engela)

Etembu lomupanguli Hoexter

Omuyandjinghundana omulineekelwa kOvenduka, okwa shiivifa kutya omupanguli G.G.Hoexter, ota tembukile kuNatal, pashiivifo loministeli inini youyuki, J.T.Kruger.

Okwa tiwa, omhumbwe yetembu laye oya etifwa keyo lomupanguli J.J. Henning kwinya.

Kombinga yoshipofa shomadengo Ova-wambo eshi sha tulilwe mohofa yopombada, mOvenduka kovawilikingerki, omupanguli Hoexter okwa li e na musho ouyelele muhapu.

Omushikuli waHoexter ota di kuPretoria, hahende J.J.Strydom.

sa. Omadheulolongekidho ngaka otaga ka tameka 9.10.1974.

Meme Kambudu okwa ti natango kutya mboka ya kala melongekidho ndika, otaa ka kala natango metsikilo lyethimbo ele lyomwedhi 6 omumvo tagu ya 75, ngele omutse ogu li kumwe nothingo.

Indeni ano mu ka imbe kOngwediva.

+OMIKALO DHOYE ODHO OMAHAMBE=  
LELONDJIMBO GANDJE METSALI  
LYANDJE LYUUNDJENDI Ps.119:54

VA TEELELWA VA KA IMBE  
MONGWEDIVA

Ewilikongundu lyoshilonga shomusiki yOngerki, olya tokola ku ningwe mbala etsikilosikola okutameka 22.4.-30.6.1974 mOngwediva.

Etsikilo ndika oli na sha naandyoka lya kalele natango mOngwediva 1973.

Natango Ewilikongundu olya tokola pu ningwe edheulo momusiki, ando uule womwedhi gumwe.

Osha tseyithwa komuwiliki gwomusiki mOngerki, meme Magdalena Kambudu.

Mboka taa taambwa melongekidho ndika, naa kale ye na onzapo yostanda 4 sigo pombanda, go omaindilo gawo naga kale ga thika kOngwediva, manga Aguste inaagu

OMUKWETU

Oye oshifo shOngerki onkwaevangeli paLuther yomOwambokavango. Ohashi nyanyangidhwa mOniipa Omukuluntu gwoshifo dr.L.Auala Amushanga gwoshifo Rev. S.Ekandjo

Ondando yoshifo komumvo muSuidwes-Afrika nomuAfrika alihe R 1,00 kombanda yomafuta R 2,00

Ondando nomambesitelo naga tuminwe KOMukwetu, Oniipa, P/Bag 2013, Ondangwa.

Ngoka wa hala u tseyithe sha shoye mwene, oto futile ehala to longitha Oonkundana nomakumidho otaga taambwa pwaa na ofuto.